

台安縣志

棣珊
題簽

卷五

藝文志

古有三不朽立言其一台邑處閭山遼水間鍾靈毓秀文人學士蔚起莘莘枕經藉史寢古饋今其發爲文章足以輔政教利民生堪登簡冊以昭來茲者美不勝收惜文獻不足殘缺靡稽致前賢之菁英斯泯後士之觀摩無從亦考古者之一大憾也茲錄採訪所得斷簡殘篇中詩文雜著若干篇以垂久遠後之覽者其亦興感於斯文乎因志藝文

覽其水與然其南文平曰志藝文

卷之六 志藝文志 藝文志 藝文志 藝文志 藝文志 藝文志 藝文志 藝文志 藝文志 藝文志

藝文志 藝文志 藝文志 藝文志 藝文志 藝文志 藝文志 藝文志 藝文志 藝文志

藝文志 藝文志 藝文志 藝文志 藝文志 藝文志 藝文志 藝文志 藝文志 藝文志

藝文志 藝文志 藝文志 藝文志 藝文志 藝文志 藝文志 藝文志 藝文志 藝文志

藝文志

卷五

(一) 文藝

重修台安關帝廟碑記

縣知事

貢士元

芷濱
江南進士

蜀漢以還關壯繆聲靈赫濯震古鑠今祀典昭垂累朝弗替民間之崇拜奉祀者幾徧國中而遼東尤重相傳清初建州勾神像於明廷始與以土神繼與以關聖故通都大邑以至窮荒沙漠間人跡所至莫不有其祠宇嗚呼盛已八角台者曩爲遼中重鎮今設台安縣治者也地處遼河西亦陸行入京孔道市廛櫛比車馬填咽商業極繁盛其前舊有關帝廟廟有產可供香火邑民楊姓馬姓所施捨殿宇崇閎氣象嚴肅巍巍乎一鎮資觀瞻焉光緒庚子遽燬於匪亂主僧旣亡祀產所剩寥寥敗棟頽垣荊棘增感嗣京奉京榆鐵路交通驛道以

廢鎮况蕭條財源匱乏遂無力舉此民國初元縣治成立方鯁鯁然創新政又誰議其修復者農會長王作豐君慨然動今昔之感乃捐鉅資鳩工庀材規復舊制並延北鎮雙塔寺僧因如駐錫於此一時廟貌重新莊嚴湧現因如亦有志復古商同耿邵諸善士廣爲勸募集資若干以竟全工以成義舉此一役也費時三閱月募款二千元有奇計修正殿三楹帶以旁舍中塑關帝周關將軍左右侍東西二殿增修佛像四胡仙二城隍二混元祖師一聖賢仙佛三教同堂金碧相輝威儀肅穆雖與近世關岳合祀之功令不符而勝蹟流傳一方信仰吾知神靈呵護當不獨王君一人蒙其福也而王君之慷慨好義艱苦經營誠有足多者予宰台時深許王君之所爲惜未躬與其役以觀厥成也癸亥仲

春台之父老議立碑以信今傳後而勺文於予予因叙其緣起如右在事諸人與捐款數目并列於後俾垂不朽云

遼河冷家口開濬城河碑記

北鎮進士 李維楨 子棟

遼河官堤之設蓋仿於有清康熙自咸豐末年西岸由冷家口門潰決循雙台子潮溝分流入海而下流之水遂殺其十之四亘數年不爲害同治十二年春旱斷流又誤爲土人堙塞繇是屢有潰溢久苦胥淪光緒二十年江蘇嚴君作霖來奉賑災出鉅貲爲障水費將軍依公堯山飭當事者補築之比七月水漲新舊堤盡圯河之決於東者十六段決於西者十九段依帥以省南汜濫爲災諮於衆謀所以宣洩之道北鎮舉人劉君春煊建議以爲遼河累歲向上遞濬

水之就下逾迅而三岔河並未加寬上流之屢決勢所必至旋潰旋堵即旋堵旋決終不可以持久莫若循冷口故道別濬城河析之入海依帥臆之檄同知馬君俊顯會勘而以劉君董工作計工之所施東西亘三十里劉君乃仿元郭太史之法以勾股測地繪圖命役就河心取土拋岸成堤北堤需土計十二萬方又培南岸舊堤需土八萬方其程功每丈取土二十方每方工資二三分不等凡需銀一萬四千兩越一歲工竣瀕河各邑如新民盤山台安海城等沮洳庫下潢潦之區漸成沃壤秋穫或倍上地民之需樂利者至今垂二十餘年厥功偉矣古之治水者順其性鯀堙禹濬利害相懸若劉君者排補苴堵禦之議而暢其尾閭此豈但規近利者哉盤海居民念劉君嘉惠請紀其事予旣喜此

城河通暢而又慮見小利者或誤以堵塞爲得策也爰臚其巔末勒之石并列被澤各區首事者於碑陰俾後之人知創始者艱難尙其守而勿替焉北鎮李維楨記

馮巡官陣亡募款公啓

貢士元

啓者警察一職執戈捍衛無異軍人鳴鏑周巡專除暴客酷暑嚴寒所不計登山涉水以從征勇敢者固已難能傷亡者尤爲可憫是以國家定卹典以相酬地方有功德者則祀公道所在曠古如是此次馮巡官國恩擊匪保民因傷殞命捐軀在象鼻之左裹屍以馬革而還遐邇悲傷士民惋惜招魂何處剩旅櫬之淒涼遊子不歸猶倚閭而盼望蓋其故里遼遠家世清貧堂上有白頭二老

室中遺黃口諸兒喪葬之費既窮事畜之資何賴照章給卹固宜出自公中登高一呼尤當期之各界所望推誠相與量力而行募脫驂以賻之風爲集腋而成之舉庶共盡麥舟之誼義舉斯成迨同興蒿里之歌忠魂可慰特爲發起幸獲贊同此啓

爲設大團四鄉公啓

舉人 劉春煊 東閣

光緒庚子拳匪兆亂都城失守關東三省俄兵佔據遼河東西岸鬍匪不下數千餘人淫掠殺燒民不聊生時本地舉人劉春煊前知世亂隱於閭山深處不聞世事而兩河士民呼籲出山拯救災黎而綠林豪客亦願改過受撫故劉公約請諸同志上書大憲請設團練以救民命今

所錄諸篇皆其手書也

公啟者人非向善不足以挽天心事不協謀不足以成義舉此撥亂反正所以待志士仁人也慨自時局艱危生靈塗炭城池淪陷戶口流離王法旣已廢弛盜賊因而猖獗東屯聚黨至西堡而逼捐北里揭竿向南村而劫掠强者倡始弱者效尤賢者傷心愚者樂禍痛兵燹之餘生焚屠幸免歷顛連之苦況搶掠頻遭剔髓伐毛刑同炮烙驚魂喪膽命付鎗刀受者皮肉皆空聞者心膽俱碎干戈滿目幾無完善之區烽火驚心難覓安全之策大劫如斯伊于胡底若不設法保護則地荆天棘淨土全無水盡山窮生機立蹙雖已剜心頭之肉仍難醫眼前之瘡將來竭澤而漁魚龍悉斃乘風縱火玉石俱焚矣

某等

愴懷世變

蒿目時艱再四躊躇萬難敷衍爰與三五知己邀集紳商通知中外公籌鉅款
舉辦鄉團聯萬衆爲一心代羣生而請命舉素孚衆望者爲統領擇老成練達
者爲總辦綠林豪客慷慨輸誠黃甲文人幫同籌餉按屯助款悉絕偏私照地
攤錢大昭公允作一方之保障民困得舒聯四境之人心衆擎易舉先通河運
俾貨產得以銷售再立團防使地面藉資保衛數人首事衆口贊成寧任過而
辭功期有利而無弊經營慘淡惟慎始以圖終惕勵憂勤期一勞而永逸爲此
佈告紳商會首傑士偉人共激血誠同襄善舉當此痛深創鉅各懷國家之憂
所願救弊補偏同造閭閻之福專肅拜手伏冀同心

兩河同盟書

前人

遼河左右紳商耆老會首人等爲插血盟心同襄義舉存留押結以明無悔事
竊以兵燹之餘盜賊無忌田園燒盡括及人牛玉帛焚完禍延子女若不急籌
挽救則人類斷無子遺張李洪楊之浩劫指日即至有心世故者確知中國之
患將不在外而在內也某等共處艱虞同遭塗炭四方靡適一息僅存乃痛哭
以陳情願毀家而紓難當中俄雜處成例難循辦團防則近乏軍裝舉練長則
遠睽官府而且軍前利器已借寇兵而齎盜糧即或海外請師徒毀崑岡而焚
玉石與其飲鴆漿以求止渴莫若呼兄弟而解閭閻但期悔過之心誠何患人
謀之不善此天此日吾國吾君除此選賢任能之方別無保弱圖存之計事期
濟變難再守經因思馮星垣太史德雅亭孝廉領袖河東久孚衆望粉榆所係

義不容辭而河西一帶聲名向推劉李爰共函請東閣徵君龍石前輩爲民請命枉駕出山再四躊躇咸謂剝復之機全任一悔天人協應必始維新方今和約初成皇任浩沛若果寬其既往庶求生者有向善之思因以策其將來則革面者切報恩之效乘機解散懦者盡使歸農收械撫仔强者就令束仇集萬戶凋殘之力爲一年菱峙之供化綠林豪悍之風爲赤縣干城之用得人而理成效可期斯民各具天良當不至變生意外兩害相較事取其輕苟非撫衆招降似不足順天心而紓民禍默計兩河上下綠林人等爲數不下五六千而年力精壯性情俠邁應以麟閣馮君爲巨擘當遼陽未陷之時迭蒙欽差大臣晉統領育字新軍夏羽檄招安徽調有案謹公同集議於遼河左右稟設巡捕局各

八所推馮君爲總巡長每局募巡役八十人取具農商保結由馮君勒以什伍勤加訓導認真約束其共支之費本年迎秋明水糧運未通蓋藏不乏擬每畝收糧三升以牛斗爲率藉昭劃一河東總局設於高家坨河西總局設於八角台均上下適中於大道相近管局紳士親駐其中調度一切冬春之季以通糧貨車爲主夏秋之季以通糧貨船爲主與外洋之保險相同查道查集編爲課程每局設正長副長各一名擇有身家知事體耐勞苦者任之取當鄉紳士及殷商保結無者雖技勇出衆不與焉意主潛消獷悍使之漸就防閑局以衛民民以養局巡長司捕不司糧局董司糧不司捕各分職守互專責成衆議咸同馮君亦慨任肩鉅遂於九月十三日焚香插血立誓於關帝廟上告神明歛齊

部伍由十月初一日入局恪守章程分段出緝水陸爲之一清隨將大概情形
報知俄國駐紮遼陽統領霍立蒙發給每局護照各一分共十六分允爲電達
牛海各處統兵官知悉一體通行兼囑外國巡丁即中國之捕役應自行呈明
中國官憲立案等因中外交涉之窒礙既通遼河左右之轉機可望萬衆一心
慎終如始出餉者勿忘炮烙之苦解網者常如日月之新局中司事文人同有
身家共維禍難永戒自私自利兼期任怨任勞各殫血誠共持艱局有渝此盟
神明殛之特此押結天日同証麟閣亦神前具甘結一紙存証永遠憑信

稟軍學兩憲

前人

分省補用知縣舉人劉春煊翰林院庶吉士馮紹唐揀選知縣舉人德彬前大

挑教諭舉人李澍齡稟爲地方糜亂過深挽救難循常理謹仿泰西巡捕章程
設局衛民因魁治盜恭抒管見仰祈憲裁事竊維治亂雖係天心而補救全憑
人事但民生一日而未盡即聖賢一日而必爲剝復循環間不容髮本年拳教
相仇誤滋國衅殺機浩瀚劫運深沈自前軍失利襄平合省人民大震東屯聚
黨至西堡而逼捐北里揭竿向南隣而劫掠强者倡始弱者效尤賢者傷心愚
者樂禍炮烙焚屠之慘皆耳目所未經搶孀逼嫁之冤數恒沙而難盡叩天無
路求死不能民困如斯舟流奚屆紳等駐新廣遼海之交一水中通周遭鐵道
四方靡適九死僅存聞憲旌回蒞省垣而四民始知有國聞京師批定和約而
萬姓始知有君見廣甯李令剴示維新而後巨盜豪酋全思悔過足見民心無

定轉移在人當醜類蕩瑕滌垢之秋正國家舉事安民之日顧中俄雜處保護須全鐵路電杆在在不容損壞舟車食貨刻刻尤貴流通苟百密之一疏必四隣之交讓而且軍前利器已借寇兵而齎盜糧或即海外請師慮毀昆岡而焚玉石與其飲鴆漿以求止渴莫若和兄弟而解閭牆再四籌維以爲國運旣新皇仁宣沛若果寬其既往庶求生者有向善之機因更策其將來斯革面者切報恩之效乘機解散懦者盡使歸農收械撫存强者更令束伍集萬戶凋殘之力爲一年菱峙之供化綠林豪悍之風爲赤縣干城之用得人而理成效可期斯民各具天良當不至變生意外兩害相較事取其輕但可安人何必多殺默計兩河群盜爲數不下五六千而年力精壯性情俠邁不淫不焚者以大盜馮